



Santiago de Compostela, 25 de agosto de 2020

Estimados presidentes de FOANPAS e FANPAS Pontevedra,

A Consellería ten amosado o seu compromiso para garantir o desenvolvemento do servizo nas mellores condicións de protección do alumnado, como demostra o diálogo aberto hai semanas nas reunións de traballo mantidas na Xefatura Territorial de Pontevedra, tanto co seu responsable, César Pérez Ares, como co director xeral de Centros e Recursos Humanos, José Manuel Pinal Rodríguez.


Como ben saben, as normas de funcionamento do comedor escolar que establece o *Protocolo de adaptación ao contexto da Covid-19 nos centros educativos non universitarios para o curso 2020/202* son as mesmas para todos os xestores, sexa a Xunta de Galicia, que xestiona a maioría dos mesmos, os concellos ou as ANPAS.

Este protocolo, elaborado polas consellerías de Educación e Sanidade, está a ser revisado de xeito permanente, tendo en conta a evolución da pandemia e pendentes das indicacións que poidan xurdir na xuntanza co Ministerio o vindeiro xoves, día 27. Non é un documento pechado e inmóbil, senón que terá que irse modificando e axustando ás necesidades da comunidade educativa.

Nunha situación excepcional como a que vivimos, que require do esforzo de todos os axentes educativos, cremos que é crucial manter o diálogo e a colaboración. Neste sentido, estamos agardando pola información que se comprometeron a enviar á Consellería, que recolla o número de estudantes beneficiarios de comedor por centros escolares, as necesidades de espazo para dar este servizo en cada un deles, así como as circunstancias que consideren pertinentes de cara a unha correcta prestación do mesmo, a fin de manter, posteriormente, unha nova xuntanza, tal como se acordara.

Só deste xeito, cooperando, podería garantirse o servizo de comedor escolar e outras actividades, como as de madrugadores, nos centros de ensino xestionados polas federacións. Deixamos, pois, as portas abertas á continuación destas conversas, pendentes dos seus datos para poder ofrecer estes importantes servizos.

Un atento saúdo,



José Antonio Vázquez Martín
Xefe do Gabinete
Consellería de Educación, Universidade e Formación Profesional

